

本草單方

二

本草單方卷四

延陵莊繼光歛之甫

海虞繆希雍仲淳甫選

雲間康

法文初甫全彙

延陵于舜玉執侯甫

膈氣

膈氣吐食

用大鯽魚去腸留鱗切大蒜片填滿紙包十

重泥封晒半乾炭火煨熟取肉和平胃散末壹兩杵丸

梧子大密收每服貳拾丸米飲下

經驗方

又用硫黃水銀各壹錢同炒成金色入狗寶叁錢爲末以

雞卵壹枚去白留黃和藥攪勻紙封泥固塘火煨半日



取出研細每服五分燒酒調服不過三服見效

願真堂方

又用地牛兒貳箇推屎虫一公一母同入罐中待虫食盡

牛兒以泥裹煨存性用去白陳皮貳錢以巴豆同炒過

去豆將陳皮及虫爲末每用壹貳分吹入咽中吐痰三

四次即愈 集效方

膈氣不下食食即吐者 用倉米或白米日西時以水微

拌濕自想日氣如在米中次日晒乾袋盛挂風處每以

一撮水煎和汁飲之即時便下食○又方陳倉米炊飯

焙研每五兩入沉香末半兩和勻每米飲服貳錢

普濟

方



膈氣疼痛 用壁上陳白螺螄燒研每服壹錢酒下甚效

名白玉散 孫氏方

膈氣噎塞飲食不下 用碓嘴上細糠蜜丸彈子大時時

含嚥津液 聖惠方 ○又牛涎水服貳匙終身不噎 孫真人方

又絳州一僧病噎不下食數年臨終命其徒曰吾死後可

開吾胃喉視有何物苦我如此及死其徒依命開視胸

中得一物形似魚而有兩頭遍體悉似肉鱗安鉢中跳

躍不已戲投諸味雖不見食悉化為水又投諸毒物亦

皆銷化一僧方作藍澱投之即怖懼奔走須臾化成水

世傳澱水能治噎疾蓋本於此



老人膈痞不下飲食 用羊肉四兩切白麩陸兩橘皮末

壹分薑汁搜如常法入五味作臠食每日一次大效能多

事部

梅核膈氣 取半青半黃梅子每箇用鹽壹兩淹一日夜

晒乾又淹又晒至鹽水盡乃止用青錢叁箇夾貳梅麻

線縛定通裝磁罐內封埋地下百日取出每用壹枚含

之嚥汁入喉即消收一年者治一人二年者治二人其

妙絕倫 經驗方



反胃

反胃吐食 取虎肚生者勿洗存滓穢新瓦固煨存性入

平胃散末壹兩和勻每白湯服叁錢神效 保壽堂方

又猫胞衣燒灰入硃砂末少許壓舌下甚效 持珍方

又用驢小便服三四合極驗此物稍有毒服時不可過多

須熱飲之病深者七日當效 張文仲備急方

又用乾餽糟陸兩生薑四兩貳味同搗作餅或焙或晒入

炙甘草末貳兩鹽少許點湯服之此利胸膈養脾胃進

飲食名甘露湯 此方以無火煎下日二服

又用烏雄雞壹隻治如食法入胡荽子半斤在腹內烹食



貳隻愈

又蠶繭拾箇煮汁烹雞子參枚食之以無灰酒下日二服

神效或以縲絲湯煮粟米粥食之 惠濟方

又用韭汁貳杯入薑汁牛乳各壹杯細細溫服蓋韭汁消

血薑汁下氣消痰和胃牛乳能解熱潤燥補虛也 丹溪方

又千葉白槿花陰乾為末陳糯米湯調送三五口不轉再

服 袖珍方

又茅根蘆根貳兩水四升煮貳升頓服得下良 聖濟總錄

又田螺洗淨水養待吐出泥澄取晒乾丸梧子大每服參

拾九藿香湯下爛殼研服亦可 經驗方

又地龍糞壹兩木香參錢大黃柴錢爲末每服五錢無根

水調服忌煎燂酒醋椒薑熱物壹貳服其效如神

經方 經驗

反胃吐食

真橘皮以日照西壁土炒香爲末每服貳錢

生薑參片棗肉壹枚水貳鍾煎壹鍾溫服

直指方

又用母丁香壹兩爲末以鹽梅入搗和丸芡子大每噉一

丸

袖珍方

○又母丁香神麴炒等分爲末米飲服壹錢

聖惠方

又枇杷葉去毛炙丁香各壹兩人參貳兩每服參錢水壹

椀薑參片煎服

聖惠方

又竈中土年久者爲末米飲服參錢經驗

百一選方

又用黃蛻殼并田螺殼並取久在泥中者各等分炒成白
灰每貳兩入白梅肉四箇搗和爲丸再入砂盒子內蓋
定泥固煨存性研細末每服貳錢用人參硝砂湯調下
不然用陳米飲調服亦可凡覺心腹脹痛將發反胃卽
以此藥治之 百一選方

又袖裡燒灰淋汁溫服冷吐蓋胃中有蟲能殺之也

善濟方

反胃轉食藥物不下 用大雪梨壹箇以丁香拾五粒刺

入梨內濕紙包四五重煨熟食之

聖濟總錄

反胃嘔吐困弱無力垂死者 上黨人參參大兩拍破水
壹大升煮取四合熱服日再兼以人參汁入粟米雞子

白薤白煮粥與噉當時便定後十餘日遂瘥

李絳手集

反胃結腸藥物不下結腸三五日至七八日大便不通如此者必死 用白水牛喉一條去兩頭節并筋膜脂肉炙如阿膠黑片收之臨時旋炙用米醋壹盞浸之微火炙乾淬之再淬醋盡爲度研末厚紙包收或遇陰濕時微火烘之再收遇此疾每服壹錢食前陳米飲調下輕者一服立效

普濟方

有人三世死於反胃病至孫得一方 用乾柿餅同乾飯

日日食之絕不用水飲如法食之其病遂愈

經驗方

○又

方乾柿叁枚連蒂搗爛酒服甚效切勿以他物雜之

反胃吐痰

柳樹箒五柒箇煎湯服即愈

活人心統

脾虛反胃

白豆蔻縮砂仁各貳兩丁香壹兩陳廩米壹

升黃土炒焦去土研細薑汁和丸梧子大每服百丸薑

湯下名太倉丸

濟生方

脾氣虛冷反胃吐食

羊肉半斤去脂作生以蒜薤醬豉

五味和拌空腹食之

心鏡方

以冷反胃

用大附子壹箇生薑壹斤剉細同煮研如麩

糊每米飲化服壹錢

經驗方

○衛生家寶方用薑汁打糊

和附子末爲丸大黃爲衣每溫水服拾丸○斗門方用

長大附子壹箇坐於磚上四面着火漸逼以生薑自然



汁淬之依前再逼再淬約薑汁盡半盃乃止研末每服壹錢粟米飲下不過三服瘥或以猪腰子切片炙熟蘸食○方便集用大附子壹箇切下頭子剝一竅安丁香四拾玖粒在內仍合定線紮入砂鉢內以薑汁浸過文火熬乾爲末每挑少許置掌心舐喫日十數次忌毒物生冷

治大人乾嘔及反胃小兒噦哕及舌腫並時時溫羊乳飲之
時珍方

白豆蔻... 煎湯服即愈

白豆蔻... 香壹兩

黃連炒焦去土研細薑汁和丸梧子大每服百丸

消場入蒜頭炙死胃小兒煎粥又舌蠱並執執盛羊肝丸

脾基寒冷反胃吐食 羊肉半斤去脂作生以蒜雜煮

火熬黃熟末雜將少指置掌心焙突日十燒大忌毒

人四肢麻痺并肉外合或雜菜入極難肉以薑水氣散文

食之式鮮兼用夫州子壹箇也下頭于喉一寒文丁香

壹錢粟米炒末不飯三則寒走以散頭子以式寒煎

長將文外前再置再將得薑水盡半盤代五杯末研細



噎

噎膈反胃諸藥不效 真阿魏壹錢野外乾人屎叁錢為

末五更以薑片蘸食能起死為生也 永類鈴方

又用牛轉草杵頭糠各半斤糯米壹升為末取黃母牛涎

和丸龍眼大煮熟食之入砂糖貳兩尤妙名大力奪命

丸 醫學正傳

又用糯米末以牛涎拌作小丸煮熟食 集成方

又用牛涎壹盞入麝香少許銀盞頓熱先以帛緊束胃脘

令氣喘解開乘熱飲之仍以丁香汁入粥與食 得效方

又蘿蔔蜜煎浸細細嚼嚥良 普濟方

五噎吐逆心膈氣滯煩悶不下食 蘆根五兩剉以水參

大盞煮取貳盞去滓溫服 玉函方

噎食不下 赤稻細稍燒灰滾湯壹碗隔絹淋汁三次取

汁入丁香壹枚白豆蔻半枚米壹盞煮粥食神效 摘玄妙方

又人屎入蘿蔔內火煉三炷香取研每服參分黃酒下參

服效 海上名方

又古塚內糧罌中水但得飲之即愈 壽域方

又以黃豆雀窠壹枚燒灰酒服或壹服參錢神驗 易簡方

又取頭垢酸漿煎膏用之立愈 弘景方

又用狗寶為末每服壹分以威靈仙貳兩鹽貳錢搗如泥



將水壹鍾攪勻去滓調服日二不過三日愈後服補劑

杏林摘

要

又鸕鷀頭頸燒研酒服兼治骨鯁

別錄

又鷄嗉兩枚連食以濕紙包黃泥固煨存性爲末入木香

沉香丁香末各壹錢棗肉和丸梧子大每汁下叁丸

又黃犬乾餓數日用生粟或米乾飼之俟其下糞淘洗米

粟令淨煮粥入薤白一握泡熟去薤入沉香末貳錢食

之 永類鈴方

又用蛇含蝦蟇泥包燒存性研末米飲服

又寡婦木梳壹枚燒灰煎鑰匙湯調下貳錢

生生編



又狼喉醫日乾為末每以半錢入飯內食之妙 聖惠方

噎食不納 畢澄茄白豆蔻等分為末乾舂之 壽域神方

又華陀見一人病噎食不得下令取餅店家蒜齏米醋貳

升飲之立吐一蛇病者懸蛇於車造陀家見壁北懸蛇

數十乃知其奇

老人噎食不通 用黃雌鷄肉四兩切茯苓貳兩白麵陸

兩作餛飩入豉汁煮食叁五服效 養老書

治卒噎 取祀竈飯壹粒食之即下燒研捺鼻中瘡亦良

時珍方

咽喉妨碍如有物吞吐不利 杵頭糠人參各壹錢石蓮

